

化州志

一
函
冊
函

華州志卷之六

賜進士第奉政大夫知華州事前山東按察司僉事陽城李可久裁正

左華山人張光孝撰次

祠祀志

社稷壇州城西北

壇制四出陞各三級由北門入帛黑色釧爵以瓷武官不預祭

風雲雷雨山川壇州城東

六神白帛六三壇神牌位俱用朱漆青字

城隍廟州治東

國朝洪武二年下制凡城隍之神皆新其命按禮制城隍神祭于南

壇與山川同位春秋二行事白帛一厲壇之祭先

期三日主祭官詣城隍廟發告文至日設神位于

壇之上跪獻酒三讀欽依祭文以神鎮控壇場宣

德十年禮部題准新官到任先一日致齋于城隍

廟會請應祀諸神用豨羊二牲總

祀又每月朔望有司辦香謁廟

金進士張建華

州城隍神濟安侯廟記

嗚呼唐室之衰也豈一朝

漸矣自安史之亂置軍節度而號爲方鎮鎮之大者連州十餘小者猶兼三四故兵驕則逐帥而自立帥強則叛上而不朝魏博鎮冀奮臂而倡于前淄青澤潞躡迹而和於後皆互相表裏合從連衡欲效戰國肱臂相依以土地傳子孫以賦稅爲私有天子不問有司不呵含育貸忍百有餘年以爲後世子孫背脅疽根此大歷貞元所以守邦也乾寧三年鳳翔李茂貞以兵犯京師昭宗將奔太原次渭北華州刺史韓建遣其子允請天子幸華州昭宗畏徼復欲如鄜建追及昭宗于富平泣而言曰藩臣倔強非止茂貞若捨近畿而巡極塞車駕渡河不可復矣昭宗亦泣遂幸華州時天子孤弱獨有殿後軍及定州三都將軍李筠等兵千餘人爲衛以諸王將之建已得昭宗遂欲制之因請罷諸王將兵散去殿後諸軍昭宗難之建自率精兵數千圍行宮以譟請誅李筠以清君側昭宗不得已遽斬筠以謝迺悉散殿後及三都衛兵幽諸王于十六宅建又使中尉劉季述誣諸王謀反以兵

圍于大宅諸王皆登屋號呼遂皆見殺建是夜袖
劔詣行宮將及御幄有神人出御幄旁厲聲叱曰
汝陳許間一卒爾蒙天子厚恩至此輒敢爲弑逆
事乎建倉惶而退亦莫知爲誰明日物色訪之乃
華之城隍神也昭宗亦知之遂徙其神于行宮明
年八月己未車駕還京師甲子御端門肆赦收元
光化以華州爲興德府封城隍爲濟安侯遭五季
亂典藉沒滅史遺其事而不傳然華之父老至今
能言之而言之未嘗不流涕也嘗是時王珂鎮河
中羅紹威鎮魏博趙匡凝鎮河陽朱全忠鎮汴梁
李克用鎮太原楊行密鎮淮南李仁福鎮靈夏錢
鏐鎮吳越皆熊蹲虎踞垂涎舐掌幸時之亂以飽
其欲曾不能遣偏裨將率老弱兵爲勤王衛社之
計乎今此神特縛草傅泥彩色外飾假以成像尙
能赫怒奮威呵叱不祥拯天子于至危極難中以
此知當時藩鎮大臣皆土木之不若也蒼天蒼天
此何人哉此何心哉自五代歷宋以行宮爲太守
之署迄今因之署之東北其祠在焉大定甲午完
顏公晝錦是邦每布政之暇常憫此祠處于隘陋
百姓朔望奠醑艱于出入而葺飭不繼榱瓦朽落

貌相黷昏神雖不言若有所待公屢出言如有才
力之士而能遷建增廣者許之州人張鐸楊林暨
前道正韋道檣聚父老而謀曰吾鄉雖屢遭兵革
殘毀之甚然而不被弑逆之名賴此神之也盍
遷其廟于外以便祀享衆允其請得爽塏地于予
城之東南隅正當離向拱揖佑德之觀宜其神明
得所安焉遂平其坳垣以基以築百堵既興寢殿
斯構廼立高門高門有閤乙未五月旦日以牲幣
告神而遷于新廟禮也于是輦石北山礱而碑之
求文于僕以紀神之英烈且俾後世亂臣賊子聞
之有所戒懼焉吾憐華之父老篤于忠義不忘我
侯濟安之德既已紀其營建之始又爲作迎享送
神之詩以遺華人俾歲時歌以祀焉其辭曰聰明
正直兮惟神之德矯誣竊攘兮惟神是殛謂唐室
之衰兮神猶主乎山川謂唐民之匱兮神尚歆于
血食何凶悍之難制兮敢乘機而肆逆神震兮威
聲雷吼彼奸彙兮攬耳而走主雖弱兮時獲載寧
城雖危兮民得固守華之父老兮至今思之念昔
艱離兮悲歌涕泣感神之德兮家祭而戶奠答神
之休兮秋嘗而春祠荐肴蔬兮刈玉井之芳蓮進

酒醴兮挹渭水之清瀾神之來兮旆彩霞翻神之
醉兮覲舞風旋父老兮欣欣偃僂兮拜神願神兮
無斃降神兮孔均日將暮兮神聿歸風蕭颯兮雨
霏微雨公田兮及我私望有年兮其庶幾大定二
十四年十月初一日里人張瑀立石

啟聖祠嘉靖詔稱子雖齊聖不先父食命別建一祠以祀啟聖公取顏無繇曾點孔鯉孟孫

氏于庶以配享以先儒程
垌朱松蔡元定爲從祀

文廟嘉靖詔改大成至聖文宣王今稱至聖先師孔子改四配充鄒沂鄒四公今稱復聖顏子

宗聖曾子述聖子思子亞聖孟子改十哲費薛黎
魏鄆齊徐吳陳諸公俱稱先賢閔子及某子又改

二庶公侯伯諸儒之爵今稱
先儒漆雕子及先儒某子焉

名宦祠明倫堂後

鄉賢祠明倫堂後

郡厲壇城北

制與社壇同清明日七月十五日十一月一日制祭無祀鬼神祭用常服

文昌祠文廟東

八蜡廟東城外

八神曰先嗇曰司嗇曰農曰郵表綴曰猫虎曰坊曰水庸曰昆蟲按

蜡者索也索此八神而祭之也其祝曰土反其宅水歸其壑昆蟲毋作豐年若土歲取千百

少華山神廟東關

舊廟在喬家村

移山神廟州東南一十五里

宋封顯應侯

玉女清淨侯祠二

左相康濟侯祠

在豐原

萬里沙神祠

括地云在鄭縣東北

裴晉公祠

在周泥村

玄帝廟六

紀信祠

在柳鎮

崔府君廟

在州城內

東嶽廟東關

三官廟二

孫真人洞東關南阜上

韓湘子洞在五眼泉側

天神廟西郊

龍王廟

南原北渭皆建

藥王廟西關

鬼王廟西郊

關公廟六

李西溪公樂府云漢壽侯義且武冠三軍振華夏斬仇將報知音身不可留臣

有主老瞞不追猶有度誰其仇者吳陸呂歲十二月侯出走吳人縛侯生縛虎死猶怒髯裂亂眼如炬吁嗟漢乎天不祚有馬不踐中原土侯身雖亡神萬古

周鄭桓公祠西關

郭汾陽王祠東關

秦王賓竹道人詩云李唐將相分忠佞曾讀前書知所敬汾陽

器宇真天人二十四考中書令何事三郎懶作家恣渠野鹿啣宮花佞臣進幸忠臣遠從此乾坤如潰瓜漁陽一旦豬龍起若箇捐軀報天子長安回首沒胡塵花萼樓前鬧如市仗節惟公忠貫日洒

血感天天亦泣軍前免胄見花門始信誠能裂金石唐天既墜公重扶唐祚將厄公重圖當年功業滿天下今日淒涼餘故都華州城外空祠屋老樹寒烟迷古木何人下馬奠椒漿却笑重韜真浪浮我來聊爾駐鸞旂心香一瓣真遐思留題草草染祠壁汾陽有靈應我知

寇萊國公祠西關

都御史王越詩云楊柳陰陰覆古祠臨風三復寇公碑一言曾

決澶淵策八歲能吟華岳詩自是拂鬚元賈禍那堪孤注更生疑暮年最好蒸羊事留與人家送故知三邊總督軍務楊一清詩云半畝荒基數尺牆宋家賢相表新坊樓臺不用生前起祠宇能延沒後香未拔一丁真負國縱爲孤注已尊王佞人不建親征策和議終成禍靖康

附華陰縣

社稷壇城西北

風雲雷雨山川壇城南

西嶽華山神廟縣東三里 城隍廟縣治東

華州志卷之七

賜進士第奉政大夫知華州事前山東按察司僉事陽城李可久裁正

左華山人張光孝撰次

風俗攷

關中風俗周以來尙稼穡之功漢以來延節義之實唐以來西京人文宣朗彬彬襄治小人力田君子修己蓋土地膏腴而狹隘不能如東南多產以襲繁縟之習士多感奮激烈而以儉邪欺誑爲耻女多涵蓄淵明而以貞靜莊嚴爲尙第其西鄙荒略而質直不能如上都文化以適中和之用其臨

大節而忠孝之道咸所克踐又不俟聞見而皆能者也茲其爲高山大川之散秘哉今國家之治化稱重熙累洽薄海外內禮教攸同矣况華爲入關之首郡民日守聖主憲令樂于養恬服田力穡不事游惰市無商賈之肆民無釋老之惑至有數年補用一衣歷年不更一巾者可謂清儉渾朴之俗如阜立波澄者也方輿勝覽云華州衣冠文物儼有古風將相篤生項背相望

附
華陰縣

俗尚儉約野無惰農

附蒲城縣

士悉敦朴民力稼穡

張光孝曰我聞之程子言于宋神宗曰治天下以正風俗得賢才爲本宋興百餘年而教化未大洽人情未盡美士人微謙退之節鄉閭無廉耻之志刑雖繁而姦不止官雖冗而材不足者此蓋政教之不修師儒之不尊無以風勸養勵之使然爾各宜悉心推訪凡有明先王之道德業克脩足爲坊表者其次有篤志好學材良行修者皆以名聞又有高蹈之士朝廷當厚禮延聘羣儒朝夕相與之

明正學其道必本于人倫明乎物理其教自小學
洒掃應對以往修其孝弟忠信周旋禮樂擇其德
業大明德業可尊者爲大學之師次以分教天下
之學如此則得土漸廣天下風俗將日入醇正王
化之本也又竊誦詩叙曰王道衰禮義廢政教弛
國殊政家殊俗朱子以爲天子不能統諸侯故國
國自爲政諸侯不能統大夫故家家自爲俗也

正刑一德以尊于天子司徒一

同風俗此上焉者制風俗之

之官漢有循風俗之使一郡之小亦萬民之所藉

以型之也一郡守之興學崇禮而一郡乃雍雍禮
義相先一郡守之峻法論刑而一郡以習吏事理
訟爲尙甚矣民俗之導有所以風人者主之也士
大夫在茲郡者一舉動有道而先信義以率民
未有不興起而同歸于信義者也矧隣邑有藍田
呂氏之鄉約合觀于義田義倉義塚之懿事舉而
措之則王道以廣而文王之治化可復也睹茲婚
喪漸用朱子家禮祭義亦相勉爲祠堂此古道還
今之幾也於乎已有世道之責與將有世道之責
者其思所以樹之風聲坐鎮雅俗也哉

華州志卷之七終

華州志卷之八

賜進士第奉政大夫知華州事前山東按察司僉事陽城李可久裁正

左華山人張光孝撰次

田賦志

水旱地新丈共五千一百四十三頃三分六釐五

絲

隆慶六年總數

旱地四千九百三頃一十畝五分二釐九毫五絲

夏糧七千七百七十七石四斗一升六合夏糧存

留

州學二倉本色小麥六百七十
八石一斗三升五合五勺八抄

起運

雙山等倉折價銀糧

七千九十九石二斗四升三合一勺五抄糧本價
銀共五千四百六十一兩九錢九分三釐一毫二

絲二忽
三微

秋糧一萬四千七百二十石一升一合四勺三抄

秋糧存留

州學二倉本色粟米一百八十八石九斗三升一合三抄起運榆林等倉

折價銀糧一萬四千五百三十一石八升四勺糧
本草價共銀一萬二千五百九十九兩二錢三分
四釐四毫三絲九忽八微二纖五塵

查布一萬二千五百五十六匹一丈五尺八寸四分

官花一千八百六十六觔九兩五錢

桑株絹二百八十七疋二丈九尺一寸六分七釐

綿一十觔一十五兩蘭州等倉布花絹綿共銀四千